



Broj: 05/8-50-14-459-8/25

Sarajevo, 22. 12. 2025.

PARLAMENTARNA SKUPŠTINA BiH

- PREDSTAVNIČKOM DOMU
- DOMU NARODA

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 25-12-2025			
Organizaciona jedinica	Klasifikaciona oznaka	Redni broj	Broj priloga
01,02	34-1	2810/25	

Na osnovu čl. 13. i 16. Zakona o Agenciji za prevenciju korupcije i koordinaciju borbe protiv korupcije („Službeni glasnik BiH“, br. 103/09 i 58/13), člana 27. Poslovnika Komisije za izbor i praćenje rada Agencije za prevenciju korupcije i koordinaciju borbe protiv korupcije, Komisija za izbor i praćenje rada Agencije za prevenciju korupcije i koordinaciju borbe protiv korupcije na 8. sjednici, održanoj 22. decembra 2025. godine, usvojila je te Predstavničkom domu i Domu naroda Parlamentarne skupštine BiH podnosi sljedeći

IZVJEŠTAJ

O UTVRĐIVANJU RANG-LISTE KANDIDATA ZA IMENOVANJE DIREKTORA  
AGENCIJE ZA PREVENCIJU KORUPCIJE I KOORDINACIJU BORBE PROTIV  
KORUPCIJE

I. Donošenje Odluke o raspisivanju Javnog konkursa za imenovanje direktora direktora Agencije za prevenciju korupcije i koordinaciju borbe protiv korupcije

Na osnovu člana 13. Zakona o Agenciji za prevenciju korupcije i koordinaciju borbe protiv korupcije (u daljnjem tekstu: Zakon) i člana 18. Poslovnika Komisije za izbor i praćenje rada Agencije za prevenciju korupcije i koordinaciju borbe protiv korupcije (u daljnjem tekstu: Poslovnik), Komisija za izbor i praćenje rada Agencije za prevenciju korupcije i koordinaciju borbe protiv korupcije (u daljnjem tekstu: Komisija) na 5. sjednici, održanoj 14. maja 2025, donijela je Odluku o raspisivanju Javnog konkursa za imenovanje direktora Agencije za prevenciju korupcije i koordinaciju borbe protiv korupcije (u daljnjem tekstu: Agencija). Komisija je tom prilikom zaključila da Javni konkurs iz Odluke bude objavljen u „Službenom glasniku BiH“, „Službenom glasniku Brčko Distrikta BiH“, na internetskoj stranici

Parlamentarne skupštine BiH te u dnevnim listovima: „Večernji list“, „Glas Srpske“ i „Oslobođenje“.

## **II. Raspisivanje Javnog konkursa za imenovanje direktora Agencije za prevenciju korupcije i koordinaciju borbe protiv korupcije**

Komisija je na 5. sjednici, održanoj 14. maja 2025, nakon donošenja Odluke usvojila i tekst Javnog konkursa za imenovanje direktora Agencije za prevenciju korupcije i koordinaciju borbe protiv korupcije (u daljnjem tekstu: Javni konkurs).

Tekst Javnog konkursa objavljen je u „Službenom glasniku BiH“, broj 30/25, od 23. maja 2025, od kada je počeo teći i rok od 15 dana za dostavljanje potrebne dokumentacije kandidata za direktora Agencije. Zaključni rok za podnošenje prijava na Javni konkurs bio je 7. juni 2025.

Osim u „Službenom glasniku BiH“, tekst Javnog konkursa objavljen je i u „Službenom glasniku Brčko Distrikta“, broj 18/25, od 22. maja 2025, kao i na internetskoj stranici Parlamentarne skupštine BiH: [www.parlament.ba/sekretarijat/oglasii\\_konkursi](http://www.parlament.ba/sekretarijat/oglasii_konkursi).

U skladu sa zaključkom s 5. sjednice Komisije, tekst Javnog konkursa objavljen je u dnevnim listovima: „Večernji list“, „Glas Srpske“ i „Oslobođenje“ od 23. maja 2025.

## **III. Prijavljeni kandidati, utvrđivanje ispravnosti dostavljene dokumentacije, provjere kandidata u skladu sa Zakonom i intervjuu**

Na Javni konkurs pristiglo je ukupno pet prijava. Komisija je na 6. sjednici, održanoj 22. septembra 2025, konstatirala da su sve prijave koje su dostavljene na ovaj javni konkurs pristigle blagovremeno. Ostvarujući uvid u dostavljenu dokumentaciju, Komisija je konstatirala da je pet kandidata dostavilo potpune i uredne prijave te da ispunjavaju uslove predviđene Javnim konkursom.

U skladu s članom 23. Poslovnika, Komisija je 26. septembra 2025. svim kandidatima koji su ispunili opće i posebne uslove predviđene Javnim konkursom dostavila izjavu po članu 10d. stav (1) tačka a) Zakona o Vijeću ministara BiH i obrazac po članu 10. stav (1) tačka b) Zakona o Vijeću ministara BiH, sa zahtjevom da uredno ispune, potpišu i u roku od sedam dana dostave Komisiji kako bi ih ona u daljnjoj proceduri prosljedila Državnoj agenciji za istrage i zaštitu (u daljnjem tekstu: SIPA) i Centralnoj izbornoj komisiji (u daljnjem tekstu: CIK).

Od pet kandidata za direktora Agencije za prevenciju korupcije i koordinaciju borbe protiv korupcije, kojima su prethodno dostavljeni izjava i obrazac po članu 10d. stav (1) Zakona o Vijeću ministara BiH, četiri kandidata su popunila navedene formulare koje su dostavili Komisiji, u skladu sa Zakonom o Agenciji za prevenciju korupcije i koordinaciju borbe protiv korupcije i Poslovníkom Komisije.

Komisija je, nadalje, 29. oktobra 2025. dostavljene formulare prosljedila SIPA-i i CIK-u, kako bi po njima izvršili neophodne provjere predviđene članom 13. stav (1) Zakona i članom 10a. Zakona o Vijeću ministara BiH.

Komisija je zaprimila dopis CIK-a 26. 11. 2025. i dopis SIPA-e 4. 12. 2025.

Komisija je 15. decembra 2025. uputila pozive za intervju za četiri kandidata koji su prošli zakonom predviđenu proceduru za izbor direktora Agencije. O datumu, vremenu i mjestu održavanja intervjua svi kandidati su obaviješteni pismenim putem - preporučenom poštom i telefonom.

Komisija je na 8. sjednici, održanoj 22. decembra 2025, nakon intervjua, konstatirala da su se intervjuu odazvala tri kandidata.

U skladu s članom 26. Poslovnika, Komisija je nakon obavljenog intervjua obavila bodovanje kandidata za poziciju direktora Agencije. Ocjenjivanje kandidata obavljeno je u skladu s tri kriterija utvrđena Poslovníkom, i to: 1. obavljeni intervju (od 0 do 30 bodova); 2. javni ugled i visoki moralni ugled kandidata (od 0 do 30 bodova) i 3. iskustva u relevantnoj oblasti (od 0 do 30 bodova). Ukupna ocjena svakog kandidata je zbir bodova koje je dobio od svakog člana Komisije, u skladu s navedenim kriterijima.

#### **IV. Utvrđivanje rang-liste kandidata i dostavljanje Predstavničkom domu i Domu naroda Parlamentarne skupštine Bosne i Hercegovine na daljnji postupak**

U skladu sa zakonskim i poslovníčkim odredbama, na 8. sjednici Komisije, održanoj 22. 12. 2025, utvrđena je i usvojena rang-lista kandidata za direktora Agencije za prevenciju korupcije i koordinaciju borbe protiv korupcije, kako slijedi:

#### **RANG-LISTA KANDIDATA ZA IMENOVANJE DIREKTORA AGENCIJE ZA PREVENCIJU KORUPCIJE I KOORDINACIJU BORBE PROTIV KORUPCIJE**

<b>Red. br.</b>	<b>Ime i prezime kandidata</b>	<b>Broj bodova</b>
<b>1.</b>	<b>Alen Halep</b>	<b>626</b>
<b>2.</b>	<b>Elmir Pilav</b>	<b>567</b>
<b>3.</b>	<b>Hajro Pošković</b>	<b>509</b>

Na 8. sjednici, održanoj 22. 12. 2025, Komisija je usvojila i Izvještaj o utvrđivanju rang-liste kandidata za imenovanje direktora Agencije za prevenciju korupcije i koordinaciju borbe protiv korupcije te ga upućuje Predstavničkom domu i Domu naroda Parlamentarne skupštine BiH na daljnji postupak.

Za izvjestioce o radu Komisije po Javnom konkursu, kao i o Izvještaju o utvrđivanju rang-liste kandidata za imenovanje direktora Agencije za prevenciju korupcije i koordinaciju borbe protiv korupcije u domovima Parlamentarne skupštine BiH.

Komisija je odredila:

- iz Predstavničkog doma Milana Petkovića, predsjedavajućeg Komisije;
- iz Doma naroda Zdenka Čosića, člana Komisije.

**Dostavljeno:**

- naslovu
- a/a

**Prilog:**

- biografije kandidata

PREDSJEDAVAJUĆI KOMISIJE

Milan Petković

